



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno MDLXXI.

urn:nbn:de:hbz:466:1-42840

esse velit, ac incitamentum, vt singula horarum, singularum spatia, & negotia quàm exaggeratissimo studio fiant; tanquam quæ & tunc dum fiunt, & vesperi postea, velut in cumulo, diuinæ Matri offerantur; & per illius manus amoris diuino, seu DEO. Aiunt Heraclitum Scotinum carmina quæ composuerat, in templo Dianæ clam abscondisse. Nos quicquid corde, manu, ingenio agimus, per MARIAE manus in templo diuinæ gloriæ reponamus: & id ipsum calcar nobis esto ad omnia quàm exquisitissimo studio peragenda: vt MARIANUS amor, quo illam colimus, omnes in nobis veri amoris dotes accumulatissimè inueniat. Sit amor, qui, Bernardo sic docente, *oriosus esse non potest, de his, quæ Dei sunt sollicitans, & suadens.*

Serm. 57.
in Cant.

obit 1570.
18. Oct. in
Brasilia.

Templa
erigere B.
V.

Optare
in morte
B. Virgini
ab innocētibus
Sodalibus
commendari.

191 P. Emmanuel de Nobrega primus de Societate Brasiliam adiit, & ibi vnâ cum socijs templum MARIAE *Virginis Adiutricis* in edito colle suis ipse manibus construxit. & dicente in aquæ inopia quopiam: O si Deiparæ placeret hinc fontem elicere! Confide, inquit: & hoc, & isto maiora potest hæc Domina. Ad sacrum in eo celebrandum accessit: & sub ipso sacro ibi scatebra aquæ perpetuæ, ac admirabiliter salutaris manare cœpit. MARIA est puteus aquarum viuientium, Oceanus gratiarum, mare DEI.

ANNO MDLXXI.

192 P. Hieronymus Rubiola 12. kal. Sept. hoc anno mortuus, Rector Senis primus pro supremo solatio sodales *Marianos*, quos ipse congregarat, & rexerat, lecto suo circumfusos, tenerè ad sancta hortatus, impensè rogauit, vt in supremo illo discrimine suis precibus adessent morienti. Tum paruuli adfuere: quorum in corona humi iacens, accen-

accensis pro ara duobus cereis, præiuit *Salve Regina* recitans, illis tenerâ pietate secutis. Ita se morti parans, cum alijs, tum præcipua in Virginem religione spectatissimus, in beatam lucem, vt spes est, excessit. Nulla nimia est diligentia quam illi, vt nos in die nostro vltimo iuuet, impedimus. Idem petebat S. Bonauentura, cum dicebat: *In manus tuas, Domina, commendo spiritum meum; totam vitam meam, & diem vltimum meum.*

Ps. 30.

193 Barbara Borromæa Camilli Gonzagæ Nouellariensis Domus Probationis Fundatoris coniunx, & istic tyronum velut Mater, multis virtutibus illustris, à Patre Antonio Valentino illum Gersonis orandi modum didicerat, quem spiritualis mendicationis nomine appellamus: & ex eo die quotidie per vnus horæ spatium illâ mendicatione utebatur. *Sisto me*, inquebat illa Patri; *velut inopem, & mendicam coram Virgine Deipara.* Tum aiebat se ad Angelos, & omnes veteris, ac noui testamenti cælites circumire, atque coram Crucifixo consistere, ac sua omnia in illius vulneribus collocare, magno sensu, magno fructu. Multum his consonant illa S. Ephræm Edeseni velut mendici ad B.V. verba: *Ex vlnis equidem maternis tibi, Domina mea, deditus sum miserabilis; & cliens tuus vocatus sum.* Et Bonauent. ps. 79. *Solve vincula colli tui, paupercula anima mea, & gloriosis laudibus accipe illam.*

Docere alios à B.V. medicare.

Hist. Societ. n. 31.

in biblioth. Comil. PP. de laudib. Dei Matris.

194 Iulio ineunte, Pragæ Ægidius Angelus B.V. virtutes meditans quid opis ab ea acceperit, vide Sacchinum n. 61. Nempe DEVS nobis Matris virtutes benè meditantibus fratrum quoque nostrorum virtutes, & apud DEVM gloriam ostendit; ibi quomodo nos viuos, & morientes CHRISTVS, diuinæ Matris suæ adductus precibus, veluti dexterâ manu susten-

Virtutes B.V. meditari.

sustentet, monstrat; vt dum Matrem colimus, Filium, eiusque erga nos, ac nostros beneficia agnoscamus; & fideles vtriusque seruos, fratres nostros, amemus, ac magni faciamus; bonâ spe freti, nos quoque à CHRISTO in morte protegendos; effecturamque apud Filium Virginem, vt ad nos opera suâ tegendos faciat potentiam in brachio suo. S. Bonaventura pro morte sua apud DEI Matrem sollicitus, ab illa sustineri petit: *Expande, Domina, manus tuas: succurre pereunti: ne moreris propter gratiam nominis tui, vt efficiaris mihi in gaudium, & salutem.*

Ps. 70.

Sacchin.

n. 113.

B. V. rosario suam valetudinem curare.

orat. 2. de

Ass. B. V.

195 Hoc anno magnis dotibus, ac meritis clarus inter obsequia infirmorum excessit 4. nonas Maias P. Iacobus Sotomaior Gadibus, Deiparæ Virginis cultui addictissimus. Solebat dicere: si quando deterius solito haberet, pro remedio se rosarium percurrere, & conualescere. Appositè S. Ioannes Damascenus DEI Matri sic loquitur: *Gaude, phar-*

macum ex omni pectore dolorem propulsans.

ANNO MDLXXII.

A Deo amorem erga B. V. per Sanctos petere.

196 B. Franciscus Borgia hoc anno 1. Octob. Romæ mortuus, obseruabat perattentè, qui apud MARIAM cæli augustam velut primæ admissiois dynastæ, ac amici essent; & cum aliàs, tum anniuersariâ illorum celebratione redeunte, illorum apud illam officijs utebatur. Ita die S. Lucæ, primum quod per illum à DEO postulabat, erat pietas erga Deiparam, vt habeo ex eius chirographo: quippe qui pictor, & Euangelista fuerit MARIANVS; à cuius penicillo MARIÆ imaginem, à cuius calamo Euangelium, & præclara quædam de Matre DEI accepimus. Sic illam ab illo in suo corde, velut in pinacotheca, collocari, velut in tabula pingi, ac velut

in